



VVillehadus sua eruditione & pietate sub Ca-
 rolo Magno apud omnes in magna uenera-
 tione extitit. Nam singulari quadam facundia pri-
 mus apud Saxones Christum prædicauit, atque
 magno uitæ periculo multos ab Idolorum cultu
 ad ueram religionem pellexit. Itaq; cum eo tem-
 pore Carolus uictor Bremensem Ecclesiam fun-
 dasset, anno Christi 785, ipse hunc Vuillehadū pri-
 mum eius loci præfulem constituit. Cum autem
 eo tempore Colonienses & Moguntinenses Ec-
 clesiæ iam dudum flourissent, atque Episcopatus
 Saxonix hisce subijcerentur, Bremensis Coloni-
 ensi addita fuit. Eam functionē ipse Vuillehadus

bona fide administravit, & nihil earum rerum intermisit, quæ ad Christi glo-
 riam promouendam pertinere uiderentur. Cum hoc modo egregiè perrexis-
 set, atq; suam Ecclesiam optimè instituisset, tandem in Frisia mortuus, & cele-
 bri funere in Bremēsi Ecclesia sepultus fuit, Theoph. Leb, in Onomast, Theo-
 log. Crantz. Sax. lib. 2. cap. 15.